



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**R. P. Maximiliani Sandaei E Societate Iesv Doctoris  
Theologi Architectvra Christiana**

**Sandaeus, Maximilianus**

**Coloniæ Agrippinæ, 1653**

Art. I. Triclinium. Refectorium. Cœnaculum.

[urn:nbn:de:hbz:466:1-46065](#)



## S E R M O III.

### DOMVS SAPIENTIÆ.

Sensu Grammatico, Litterali, Historico,

### TRICLINIUM.

*Sapientia adificavit sibi Domum: excidit columnas septem*  
Proverb. IX, I.

---

### ARTICULUS I.

TRICLINIUM. REECTORIUM. COENACULUM.

**V**T Domus, quam ædificasse dicitur SAPIENTIA, habeatur exacta notitia, necessariò examinandum est, quid per Domum Sapientiæ intelligatur? Sic enim ad quæstionem, An sit & Ubi sit? si alicubi est, atque Ubi extrui debeat; si fortasse in alicujus fundo nondum sit erecta, facilius, & sine ambagibus respondebitur. Sunt autem variæ diversorum Sapientum de hac Domø sententiæ, quas compendio referam, ut ad illam, quam uberioris declarabo deinceps pronior fiat aditus. Principiò itaque, si litteram spectemus, sive sensum litteralem, qui fundamentum esse debet reliquorum subsequentium, haud male sentiunt, qui arbitrantur, GRAMMATICE, sive litteraliter, DOMUM SAPIENTIÆ designare, non integrum aliquod ædificiū, suis cum contignationibus, aulis, cubiculis, cellis, conclavibus, horreis, similibusque receptaculis, quæ juncta parietibus, sub uno tecto Domus Lat-

Prima Pars.

H

ti-

tinis dicuntur, vel *Ædes*, sed certam quandam ædium partem. Quam verò illam? Quæ sumendo cibo, & celebrando convivio destinata, olim *Triclinium* dicebatur à tribus discubitoriis lectis mensam cingentibus, ita stratori puerisque à poculis quartum mensæ latus esset liberum, ac reliquum: nunc, à reficiendo cibis corporis *Refectorium* nominatur apud Religiosos. In eo ferè tria mensæ sternuntur, vel, si plures, tria tantum domus laeta occupant. Itaque sensus est: *Sapientia edificavit sibi Triclinium*, id est, aptavit amplissimum *Triclinium*, ad instruendum lautissimum convivium, ad quod sibi dedit devotosque asseclas, ac suistudiofos invitet, ut in eo sumptu nempe *Sapientiae* ferculis, quæ sunt dogmata, monita, præcepta bene vivendi, & salutis consequenda auditores suos erudiat, hospitesque exhilaret cum festu.

Qui Aenim paullò ante Salomō, quod observat Cjeranus, & Jansenius, descriperat illecebras ac domum convivii, à meretrice, id est lasciviâ, seu voluptate appetiti, ad quam illa juvenem nitidum & ingeniosum invitaret, ut perverteret, ac in exitium præcipitaret, idcirco ut eidem bene consulat, & abductum à fallacissima meretricula Voluptatis deliciis, transferat ad studia Sapientiae, inducit Sapietiam adornantem aliud *Triclinium*, & instituta comparatione, *Triclinio* ac convivio Voluptatis opponit, & anteponit Domum convivii, ve *Triclinium* à *Sapientia* extructum, verisque instrumentum deliciis. Sequitur invitatio, non unius tantum illius Juvenis, sed omnium illi similium. Nam mox invitit ancellas suas, ut vocaret ad arcem & ad mœnia Civitatis, quam Sapientia inhabitat. Si quis est parvulus veniat ad me. Et insipientibus loquuta est. Venite, comedere panem meum, bibite vinum, quod miscui vobis. Relinquette infantiam & vivi.

E

*bulate per vias prudentiæ, Quibus omnes conatur à meretrice Voluptate avocare, & ad sui amorem, studiumque ac per hoc ad animæ salutem procurandam, verarum cultu virtutum traducere. Accedit, quod Salomon toto illo libro Proverbiorum Sapientiam inducat, per fictionem personæ Oratoribus usitatam, differentem coram suis graviter simul ac jucunde, de omni pene virtutum argumento, parabolice, ænigmatische, allegorice. Quo circa, ut tot dissertationum initium venustè daret, commodius facere non potuit, quam designare locum, cumque delineare, ac depingere, in quo illæ sunt habitæ.*

## ARTICULUS II.

## DISSERTATIONES CONVIVIALES.

*Mos Hæbræorum in Tricliniis convivando differere,  
moraliter, parabolice, ænigmatice.*

**O**BSERVO. Solitos fuisse Hæbræos à majoribus suis in lege Dei versatis bene eruditos, convivia sua condire, non inanibus fabulamentis, non scurrilibus sarcasmis, non absentium detractionibus, non mutuis præsentium insectationibus, non verborum pugnis, aut verberum : non murmurationibus de præsenti rerum statu, non querelis de Imperatore, Rege, Principe aut Magistratu civili, vel Ecclesiastico, non infamationibus hominum Deo Sacratorum, non criminum, quæ auditæ de aliis, vel visa narrationibus, non propriorum, sive veterorum, sive fictorum gloriationibus: non inconditis clamoribus, velut puerorum, non immodicis cachinnis, ut insolentium, non acerbis concertationibus, tanquam